

大方廣佛華嚴經卷第四

伏四

唐罽賓國三藏般若奉詔譯

入不思議解脫境界普賢行願品

爾時文殊師利童子從善住樓閣出與無量

伏四

同行大菩薩衆及常侍衛諸金剛神普為世

間現大威力身衆久發堅誓供養諸佛足

行神念昔大願樂聞正法相續不斷主地神

深淨大悲莊嚴法界普潤衆生主水神智慧

威力光明偏照主火神摩尼寶冠以嚴其首

主風神光照十方差別儀式主方神專勤除

滅無明黑闇主夜神一心開現如來智日主

晝神普偏莊嚴虛空法界主空神能勤方便

拔濟衆生出生死海主海神常勤積集出過

心量趣一切智勝幢善根主山神發大誓願

運度衆生稱讚諸佛勇猛無倦主河神常勤

守護一切衆生菩提心城主城神常勤守護

一切衆生諸大龍王常勤守護一切智城諸

夜叉王常令衆生增長歡喜乾闥婆王常勤

除滅一切餓鬼所有饑渴鳩槃茶王恒願拔

濟一切衆生度生死海迦樓羅王願諸衆生

普得成就超諸世間如來力身阿修羅王曲躬恭敬樂見諸佛種種功德摩睺羅伽王深歎生死常樂瞻仰諸佛相好諸大天王尊重於佛恭敬供養稱揚讚歎諸大梵王文殊師利與如是等種種色像威德莊嚴大菩薩衆及諸世主前後圍繞從自住處來詣佛所右繞如來經無量匝以諸供具種種供養供養畢已頂禮辭退<sub>次四</sub>往文殊師利童子所此諸比丘皆舍利弗之所化度出家未久自所同住所謂海覺比丘妙德比丘福光比丘大悲比丘電德比丘淨行比丘天德比丘實慧比丘梵勝比丘寂慧比丘與如是等六千是等諸大菩薩及諸世主種種神通威德自

在衆會莊嚴從逝多林安詳而出作是思惟我今當與文殊師利俱往南方時舍利弗即與眷屬六千比丘前後圍繞出自住處往詣佛所到已頂禮一心觀佛具白世尊世尊聽許右繞三匝<sub>二</sub>作禮辭退往文殊師利童子所此諸比丘皆舍利弗之所化度出家未久自所同住所謂海覺比丘妙德比丘福光比丘大悲比丘電德比丘淨行比丘天德比丘實慧比丘梵勝比丘寂慧比丘與如是等六千人俱曾於過去供養諸佛深種善根於甚深

法悉能悟解深信趣入最極清淨志行寬博等佛境界於佛教法能證修行悉能了知諸法本性能大饒益成就衆生常樂勤求諸佛功德皆是文殊師利童子之所教化爾時尊者舍利弗將諸比丘隨路而行觀諸比丘告

海覺言汝可觀察文殊師利清淨相好莊嚴之身諸天及人莫能思議汝可觀察文殊師利圓光映徹普照十方能令衆生心生歡喜汝可觀察文殊師利放光明絅微妙莊嚴除滅衆生無量苦惱汝可觀察文殊師利衆會

威德皆是菩薩往昔善根之所攝受汝可觀察文殊師利所行之路左右八步清淨平坦衆寶莊嚴汝可觀察文殊師利所住之處周迴十方常有道場顯現莊嚴隨逐而轉汝可觀察文殊師利所行之路具足無量福德莊嚴

伏四

三

嚴左右兩邊皆有伏藏種種珍寶自然而出汝可觀察文殊師利由昔供養諸佛善根隨其所在有雜寶樹於其樹間寶藏開敷出莊嚴具汝可觀察文殊師利隨其所在一切世主興供養雲而諸供具周布陳列以爲供養

汝可觀察文殊師利十方諸佛將說法時悉放眉間白毫光明來照其身從頂上入爾時尊者舍利弗爲諸比丘稱揚讚歎開示演說文殊師利如是無量種種功德具足莊嚴時諸比丘聞是讚已心意清淨信解堅固踊躍歡喜不能自持形體柔軟諸根和悅垢障咸盡憂苦悉除常見諸佛恒聞正法迴向趣求一切智智成就菩薩無礙善根逮得菩薩無量諸力出生無盡圓滿大悲發起無邊廣大誓願深入諸度究竟彼岸十方佛海皆悉現

前於佛境界深生信樂即白尊者舍利弗言唯願和尚將導我等親近於彼勝妙丈夫時舍利弗即與俱行詣文殊師利童子所見已頂禮白言仁者此諸比丘願得奉觀爾時文殊師利童子與無量自在神通菩薩圍繞并其大衆種種眷屬如象王迴觀諸比丘時諸比丘頭面禮足恭敬合掌白如是言惟願大聖文殊師利和尚舍利弗世尊釋迦牟尼悉當證知我等今以得見大士勝妙丈夫奉觀瞻禮恭敬信樂所有善根及以我等過去所

集福智善根以此善根願令我等於仁所有  
如是色身如是相好如是音聲如是自在一  
切功德悉當具足爾時文殊師利菩薩告諸  
比丘言若善男子善女人成就十種趣大乘  
伏四  
法無疲厭心則能速疾深入如來究竟之地  
況菩薩地何等爲十所謂見諸如來以廣大  
心親近供養心無疲厭積集成就一切善根  
究竟不退心無疲厭勤求一切諸佛正法心  
無疲厭勤行一切菩薩殊勝諸波羅蜜心無  
疲厭普偏修習一切菩薩甚深三昧心無疲

厭次第趣入三世流轉一切諸法心無疲厭  
莊嚴十方一切刹海悉令清淨心無疲厭教  
化調伏一切衆生皆令成熟心無疲厭於一  
切剎行菩薩行經一切劫心無疲厭爲欲成  
熟一切衆生故修一切剎極微塵數波羅蜜  
門成就圓滿如來十力如是次第爲一切衆  
生成就如來一切智力心無疲厭比丘當知  
若善男子善女人成就深信發此十種無疲  
厭心則能長養一切善根捨離一切生死流  
轉悉能超出一切世間不墮聲聞辟支佛地

成就如來一切種性滿足菩薩清淨大願積集一切如來功德修行一切菩薩諸行獲得如來力無所畏摧伏衆魔及諸外道滅除一切煩惱習氣入菩薩地近如來地時諸比丘聞此法已即時同證廣大三昧名見一切佛境界無礙眼得此三昧威神力故悉見十方一切世界諸佛如來及其所有道場衆會亦悉見彼一切世界所有衆生種種趣類各各差別亦悉見彼一切世界同異染淨各各差別亦悉見彼一切世界所有極微塵相差別

伏四  
五  
亦悉見彼諸世界中一切衆生所住宮殿種種莊嚴種種成就及所受用種種資具各各差別及聞彼佛諸音聲海演說諸法種種名句文詞訓釋性相祕密悉能解了亦能觀察彼世界中一切衆生心行根欲各各差別亦能憶念彼世界中一切衆生過去未來各十生事亦能憶念彼世界中過去未來各十劫事亦能憶念彼諸如來十本生事十成正覺十轉法輪十種神通十種記心十種教誡十種說法十種辯才又由得此三昧力故即時

獲得十千真實菩提之心成就十千甚深三昧具足十千諸波羅蜜圓滿十千智慧光明發起十千自在神力以得如是菩薩三昧種種威神無礙勢力所莊嚴故令其身心柔軟微妙增長信樂住菩提心堅固不動爾時文

殊師利菩薩具足安住真實吉祥微妙功德普賢勝行勸諸比丘令其安住勝普賢行住勝行已入於其勝廣大願海入願海已普偏成就甚深大願以得成就大願海故得心清淨心清淨故得身清淨身清淨故得身輕利

身輕利故則得廣大不退神通以得如是大神通故不離文殊師利足下普於十方一切世界諸如來所悉現其身具足成就一切佛法爾時文殊師利菩薩勸諸比丘發阿耨多羅三藐三菩提心已漸次南行經歷人間城邑聚落至福生城於其城東住莊嚴幢娑羅林中伏四往昔諸佛曾所止住教化成熟一切衆生大塔廟處亦是世尊毗盧遮那於往昔時行菩薩行能捨無量難捨之處是故此林名稱普聞無量佛刹此處常爲天龍夜叉乾闥

婆阿修羅迦樓羅緊那羅摩睺羅伽人非人等恭敬供養時文殊師利與諸眷屬到此林已即於其處坐師子座說修多羅名普照法界圓滿光明百萬億那由他修多羅以爲眷屬說此經時有無量百千億那由他諸大龍王并其眷屬聞此法已自歎龍趣於佛功德深生愛樂咸捨龍身生人天中一萬諸龍於阿耨多羅三藐三菩提得不退轉復有無量無數衆生於三乘中各得成熟時福城人聞文殊師利住莊嚴幢娑羅林中大塔廟處皆

從城出來詣其所有優婆塞名曰大慧與其眷屬五百人俱所謂須達多優婆塞寶德優婆塞圓光優婆塞名稱天優婆塞月吉祥優婆塞月喜優婆塞月智優婆塞大智優婆塞賢護優婆塞賢吉祥優婆塞如是等衆前後圍繞來詣文殊伏四師利童子所到已禮足右繞三匝却坐一面復有優婆夷名曰大慧與其眷屬五百人俱所謂妙圓光優婆夷梵德優婆夷吉祥優婆夷妙臂優婆夷賢光優婆夷賢吉祥優婆夷月光優婆夷星宿光優婆夷

賢德優婆夷妙眼優婆夷如是等衆前後圍繞來詣文殊師利童子所到已禮足右繞三市却坐一面復有童子名曰善財與其眷屬五百人俱所謂善禁童子善戒童子善威儀童子善行童子善思惟童子善智童子善慧童子善眼童子善臂童子善光童子如是等衆前後圍繞來詣文殊師利童子所到已禮足右繞三市却坐一面復有童女名曰妙賢童女端嚴面童女堅慧童女吉祥賢童女吉祥

智童女供養德童女吉祥圓光童女妙覺童女如是等衆前後圍繞來詣文殊師利童子所到已禮足右繞三市却坐一面爾時文殊師利童子知福城人悉已來集普偏觀察隨其心樂即以神力現自在身威光赫奕蔽諸大衆以大慈力令其衆會皆得安隱清涼快樂以大悲力起說法心普偏成就以大智力令其開悟滅除一切煩惱心垢以無礙辯將說甚深廣大佛法復於是時觀察善財以何因緣而立此名知此童子初入胎時於其宅

內自然而出七寶樓閣其樓閣下有七伏藏  
於其藏上生七寶牙所謂金銀瑠璃玻瓈赤  
珠碑礪碼碭善財童子處胎十月然後誕生  
形體端正支分具足其七伏藏縱廣高下量  
各七肘忽自開現光明照耀內外家族視之  
伏四  
無狀復於宅中自然而有五百寶器珍奇雜  
寶各各盈滿所謂金剛器中盛滿諸香於香  
器中盛種種衣美玉器中盛滿飲食摩尼器  
中盛滿雜寶黃金器中盛滿銀粟白銀器中  
盛滿金粟金銀器中盛滿瑠璃玻瓈器中盛

滿金銀及摩尼寶玻瓈器中盛滿碑礪碑牒  
器中盛滿玻瓈碼碭器中盛滿赤珠赤珠器  
中盛滿碼碭星幢摩尼器中盛滿水精摩尼  
水精摩尼器中盛滿星幢摩尼如是等五百  
寶器自然出現復於宅中徧雨種種珍寶財  
物及諸資具一切庫藏悉皆充滿以此事故  
父母親屬及善相師共呼此兒名曰善財又  
知此童子已曾供養過去諸佛深種善根信  
解廣大常樂親近諸善知識身語意業皆無  
過失勇猛精進淨菩薩道求一切智成佛法

器心行清淨猶如虛空爾時文殊師利菩薩  
如是觀察善財童子殊勝相已熙怡微笑安  
慰開諭廣爲演說一切佛法所謂說一切佛  
積集法說一切佛相續法說一切佛次第深  
入法說一切佛衆會清淨法說一切佛法輪  
伏四  
化導法說一切佛色身相好清淨法說一切  
佛法身普偏成就法說一切佛無礙辯才法  
說一切佛圓滿莊嚴法說一切佛平等無二  
法爾時文殊師利童子爲善財童子及諸大  
衆說此法已復以種種善巧方便殷勤勸諭

令其開覺增長勢力生大歡喜發阿耨多羅  
三藐三菩提心又令善財憶念過去所種善  
根復爲福城一切人衆隨其根欲顯現神通  
如所應度廣爲說法然後而去爾時善財童  
子從文殊師利童子所聞說諸佛如是種種  
勝妙功德大威力已勤求愛樂阿耨多羅三  
藐三菩提隨逐文殊師利瞻戀不捨一心歸  
向合掌諦觀而說偈言

有大智慧威神力 行菩薩行利衆生  
無量境界誓當求 唯願仁尊哀聽許

愛水深濬爲池塗 橋慢高舉爲垣牆  
諸趣出入爲門戶 三有難超作城郭  
癡闇無明常所覆 嘴恚熾盛火恒燒  
魔王自在處其中 愚童凡夫依止住  
詣誑忿恨惑亂戲 貪欲所纏如羈索  
疑惑所蔽若生盲 恒行險趣諸邪道  
常爲慳嫉之所縛 入於三塗八難中  
五趣輪迴不覺知 恒受生老病死苦  
滅惑大悲清淨日 智光普照圓滿輪  
能竭生死煩惱海 願降慈光少觀察

圓滿大慈清淨月 福德光明無垢輪  
一切衆生咸施安 願賜清涼少觀察  
一切法界功德王 所向導前無所礙  
廣博福智大商主 願順我心乘教勅  
伏四 普利一切諸衆生 白業成就爲輪寶  
身被最勝忍辱鎧 勇猛不退求菩提  
常能自在破魔軍 真實帝釋願觀我  
五趣輪迴不覺知 +  
恒受生老病死苦  
滅惑大悲清淨日  
智光普照圓滿輪  
能竭生死煩惱海  
願降慈光少觀察

三有昏闇凡愚宅  
煩惱輪迴地趣因  
仁尊永滅盡無餘  
照世真燈示我道  
衆生惡趣行已除  
修治善道咸清淨  
度諸有海橋梁者  
示我真乘解脫門  
常樂我淨顛倒想  
厚重邪執常迷覆  
明利智眼悉能除  
開我真乘解脫路  
善了真諦無迷惑  
於諸法中無所畏  
爲衆能開甘露門  
能善解除諸業縛  
智慧決了自在人  
大悲爲轂行願輪  
淨功德寶真實轍  
一切總持圓滿箱  
妙辯才音鈴震響  
增長諸佛功德樹  
清淨戒品爲茵褥  
諸妙三昧爲采女  
雨一切佛妙法華  
願速示我菩提道

去來現在一切佛  
如日光明出世間  
爲衆能開甘露門  
彼所得道願宣說  
能善解除諸業縛  
巧轉諸乘妙法輪  
智慧決了自在人  
示我普焰摩訶衍  
大悲爲轂行願輪  
信轍深固堅忍軸  
代四  
淨功德寶真實轍  
一切總持圓滿箱  
慈愍普覆莊嚴蓋  
示我載此最上乘  
十一  
妙辯才音鈴震響  
令我載此最上乘  
增長諸佛功德樹  
諸妙三昧爲采女  
清淨戒品爲茵褥  
今我載此摩訶衍  
法鼓洪音驚有情  
今我載此摩訶衍

具足四攝無盡藏 莊嚴瓔珞功德寶  
自他慚愧爲羈鞅 令我載此無上乘  
常放大捨圓滿光 恒塗淨戒真實香  
永滅煩惱瘡疣者 令我載此最勝乘  
三業調伏不退輪 六根寂靜三昧箱  
最勝智慧方便輓 令我載此妙法乘  
大願回向善御者 總持諸法堅固力  
智慧周旋常徧轉 普滿一切羣生欲  
交絡普賢諸行網 慈悲廣運能徐轉  
所行無畏得安詳 令我載此無上乘

任持堅固等金剛 妙智巧成如幻事  
一切障礙皆能斷 令我速載普賢乘  
大慈無垢等羣生 普與世間賢聖乘  
淨智如空照法界 願速令我載此乘  
能淨一切業惑塵 亦斷世間流轉苦  
摧伏諸魔及外道 令我載此妙法乘  
智慧境界等虛空 行力莊嚴徧法界  
普滿一切羣生欲 願速令我載此乘  
志樂清淨量難窮 無明愛見皆除滅  
利益一切心無盡 願速令我載此乘

已入法王妙法城 已冠智王大智冠

已繫諸佛離垢縉 最勝智眼願觀察

願力如風速疾行 定心安住恒無動  
普運一切諸含識 願速令我載此乘  
堅誓如地無傾動 大悲如水恒饒益  
勇健荷擔無疲倦 願速令我載此乘  
普照衆生智慧日 四攝光明圓滿輪  
母四  
總持勝妙清淨光 願示於我咸今見  
能於劫海勤修學 十二  
摧滅堅執有爲城 一切種智圓滿因  
仁於諸佛大智海 獲是智海廣無涯  
善哉大聖當宣說 一切佛德靡不充

薩行問諸菩薩所行之道善男子親近供養  
諸善知識是集一切智最初因緣由樂親近  
善知識故令一切智疾得成滿是故於此勿  
生疲厭善財白言聖者唯願慈悲廣爲我說  
我應云何學菩薩行應云何修菩薩行應云

何起菩薩行應云何行菩薩行應云何滿菩  
薩行應云何淨菩薩行應云何轉菩薩行應  
云何深入菩薩行應云何出生菩薩行應云  
何觀察菩薩行應云何增廣菩薩行應云何  
成就菩薩行應云何今普賢行速得圓滿爾  
伏四  
時文殊師利菩薩爲善財童子而說偈言  
善哉清淨功德海 佛子能來至我所  
發起廣博大悲心 勇猛志求無上覺  
爲欲度脫諸有情 一切世間流轉苦  
已發大願深如海 勸修一切菩薩行

若有菩薩心堅固 久處生死無疲厭  
彼當具足普賢行 得佛功德無能壞  
福德威光福德星 福德生處福德海  
汝能普爲諸衆生 誓修普賢清淨行  
汝見無邊諸佛土 去來現在一切佛  
示聞所轉妙法輪 念力憶持無忘失  
汝於十方一切刹 普見無量諸如來  
願海清淨悉皆成 具足菩薩塵沙行  
汝入方便大法海 安住如來功德地  
導師勝行汝當修 當成一切無師智

汝於一切廣大刹 所有利土微塵劫  
於中修習普賢行 成就最勝菩提道  
汝於無邊劫海中 普偏十方一切刹  
爲欲成滿諸大願 修行普賢諸妙行

此中無量諸衆生

聞汝願已皆歡喜

悉發廣大菩提意 專心願學普賢乘

爾時文殊師利菩薩說此偈已告善財童子  
言善哉善哉善男子若有衆生能發阿耨多  
羅三藐三菩提心是事爲難能發心已復欲  
勤求行菩薩行倍更爲難善男子汝今發心

求菩薩道爲欲成就一切智智應當勤求真  
善知識善男子求善知識勿生疲懈見善知  
識勿生厭足於善知識所有教誨當念隨順  
不應違逆於善知識善巧方便但應恭敬勿  
見過失善男子於此南方有一國土名曰勝  
樂  
十四

樂其國有山名曰妙峯彼有比丘名吉祥雲  
汝可往問菩薩云何學菩薩行菩薩云何修  
菩薩行乃至菩薩云何於普賢行疾得圓滿  
善男子彼善知識當爲汝說具足圓滿普賢  
行願時善財童子聞是語已心生歡喜踊躍

無量於彼比丘深生渴仰於文殊師利殷勤  
戀慕頂禮雙足繞無數匝悲泣流淚辭退而  
去爾時善財童子漸次南行往勝樂國登妙  
峯山於其山上東西南北四維上下周徧求  
覓經于七日竟不能見由爲勤求善知識故  
捐捨身命無饑渴想正念觀察心安無退過  
七日已見彼比丘在別山上徐步經行即前  
往詣頂禮雙足右繞三匝合掌而住白言聖  
者我已先發阿耨多羅三藐三菩提心而未  
知菩薩云何學菩薩行云何修菩薩行云何

起菩薩行云何行菩薩行乃至云何於普賢  
行疾得圓滿我聞聖者善能誘誨唯願慈悲  
爲我宣說云何菩薩速得成就阿耨多羅三  
藐三菩提時吉祥雲比丘告善財言善哉善  
哉善男子汝已能發阿耨多羅三藐三菩提  
心是事爲難復能請問行菩薩行難中之難  
伏四所謂勤求菩薩道勤求菩薩境界勤求菩薩  
十五廣博淨行勤求菩薩出現神變勤求菩薩示  
現廣大諸解脫門勤求菩薩示現世間種種  
作業勤求菩薩隨順衆生種種心行動勤求菩

薩示現入出生死涅槃勤求菩薩於爲無爲  
心無所著勤求菩薩除斷衆生種種煩惱微  
細過失善男子我得自在決定解力信眼清  
淨智光照曜普眼明徹具清淨行慧眼徧觀  
一切境界善巧方便離一切障以清淨身普  
詣十方一切國土恭敬供養一切諸佛以信  
解力常念十方一切諸佛以總持力受持十  
方一切佛法以智慧眼常見十方一切諸佛  
所謂見於東方一佛二佛十佛百佛千佛百  
千佛億佛百億佛千億佛百千億佛那由他

億佛百那由他億佛千那由他億佛百千那  
由他億佛乃至見無數無量無邊無等不可  
數不可稱不可思不可量不可說不可說不  
可說佛乃至見閻浮提極微塵數佛四天下  
極微塵數佛小千世界極微塵數佛中千世  
界極微塵數佛大千世界極微塵數佛千佛  
刹極微塵數佛百佛刹極微塵數佛千佛刹  
極微塵數佛百千佛刹極微塵數佛億佛刹  
極微塵數佛百億佛刹極微塵數佛千億佛  
刹極微塵數佛百千億佛刹極微塵數佛那

由他億佛刹極微塵數佛乃至見不可說不可說佛刹極微塵數佛如見東方一切諸佛南西北方四維上下所見諸佛亦復如是隨其所見一一方中所有諸佛種種色相種種形貌種種神通種種受用種種遊戲種種衆會莊嚴道場種種光明無邊照耀種種宮殿

伏四  
十六

莊嚴國界種種壽量示有脩短隨諸衆生種種心樂示現種種成正覺門於大眾中廣現神變作師子吼度脫衆生善男子我唯得此念諸佛平等境界無礙智慧普見法門如諸

菩薩摩訶薩無量智慧具足圓滿清淨行門豈能了知所有邊際所謂智光普照差別境界念佛門常見諸佛種種國土宮殿莊嚴悉現前故令安住種種增上意樂念佛門隨諸衆生心之所樂皆令見佛得清淨故令安住究竟佛力念佛門令人如來十種方中隨順行故令安住種種如來究竟正法念佛門見一切佛演說正法咸聽聞故偏照十方無差別藏念佛門普見一切諸世界中等無差別諸佛海故入不可見極微細處念佛門徹見

一切微細境中如來神變自在事故住種種  
劫念佛門於一切劫常見諸佛仰施作佛事咸  
親近故住一切時念佛門於一切時常得見  
伏四  
佛與佛同住不相離故住一切刹念佛門一  
切刹土咸見佛身超過世間無等比故住一  
切世念佛門隨於自心所有樂欲普見三世  
諸如來故住一切境念佛門普見一切諸境  
界中諸佛相續咸出興故住一切性寂滅念  
佛門於念念中見一切刹一切諸佛示涅槃  
故住一切時處念佛門於一日中見一切佛

從其住處而往化故住一切境廣大念佛門  
見一切佛結跏趺坐一一佛身滿法界故住  
一切法微細念佛門於一毛孔見不可說諸  
佛出興咸至其所而承事故住剎那際莊嚴  
念佛門於一念中見一切刹皆有諸佛成等  
正覺現神變故住一切法念佛門見一切佛  
出興於世以智慧光轉法輪故住自在心念  
佛門隨其自心所有欲樂一切如來現其影  
像咸得見故住一切業念佛門能隨法界一  
切衆生所修行業爲現其身令覺悟故住一

一切神變念佛門見一切佛住於廣大香水海  
中坐蓮華臺普現神變滿十方故住等虛空  
界念佛門觀察如來所現身雲莊嚴法界虛  
空界故如是等無量無數念佛門而我云何  
能知能說彼功德行善男子南方有國名曰

海門彼有比丘名爲海雲汝往彼問菩薩云  
何學菩薩行修菩薩道海雲比丘能善分別  
開發廣大善根因緣當令汝入廣大助道位  
當令汝成廣大善根力當爲汝說發菩提心  
因當令汝生廣大乘光明當令汝得廣大波

羅塞當令汝入廣大諸行海當令汝轉廣大  
誓願輪當令汝淨廣大莊嚴門當令汝起廣  
大慈悲力時善財童子禮吉祥雲比丘足繞  
無數帀殷勤瞻仰戀慕而去

大方廣佛華嚴經卷第四

伏四

十八

音釋

盛 音成 濟 私閏切 深 沖 七 盡 切遠  
時也 通川也 城 流水也 窮 切罟  
也 鐧 可亥 切 軶 古祿切 車 軶 雨 之 切車  
鎧 甲也 切 軶 也 輜 所轢者 轢 前曲木上  
謂之轢 茵 裥 苗於真切 裕 而欲 罷 軸 罷居  
首絡也 軶 於雨 軸 音厄 軸 明橫木  
切頭組曰軸 軸 駕馬頭者為軸